



Broj:  
Maglaj,

## PRIJEDLOG

Na osnovu člana 52. stav (1) tačka 3. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 15. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine”, br. 49/06 i 51/09) i člana 18. Statuta Općine Maglaj – prečišćen tekst ( “Službene novine Općine Maglaj” , br. 8/07, 3/08, 6/08), Općinsko vijeće Maglaj na \_\_\_ redovnoj sjednici, održanoj 2023. godine, donosi

## ODLUKU

### **o davanju saglasnosti na Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj**

#### Član 1.

Ovom Odlukom daje se saglasnost na Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj broj: 06-45-1-1354/23 od 28.08.2023. godine.

#### Član 2.

Sastavni dio ove Odluke je Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj iz člana 1.

#### Član 3.

Ova Odluka stupa na snagu osmog dana od dana objave u “Službenim novinama Općine Maglaj”.

PREDSJEDAVAJUĆA

Aida Bašić

## OBRAZLOŽENJE

### PRAVNI OSNOV I POJAŠNJENJE IZMJENA I DOPUNA PRAVILNIKA

Pravni osnov za donošenje Pravilnika o izmjenama i dopunama Pravilnika o unutrašnjoj organizaciji službi za upravu Općine Maglaj, sadržan je u:

- članu 52. stav (1) tačka 3. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), kojim je utvrđeno da općinski načelnik donosi Pravilnik o unutrašnjoj organizaciji za općinske organe uprave i općinske upravne organizacije, uz saglasnost općinskog vijeća;
- članu 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), kojim je uređeno da općinski načelnik utvrđuje organizaciju službi za upravu i drugih službi jedinice lokalne samouprave i donosi pravilnik o unutrašnjoj organizaciji službi jedinice lokalne samouprave;
- Presudi Ustavnog suda Federacije BiH broj U-12/22 od 12.10.2022. godine;
- Odluci o organizovanju/organiziranju Općinskih službi za upravu Općine Maglaj broj: 02-05-175/05 od 08.02.2005. godine, Odluci o izmjeni i dopuni Odluke o organizaciji Općinskih službi za upravu broj: 02-05-1-418/06 od 23.03.2006. godine i Odluci o izmjeni i dopuni Odluke o organizaciji Općinskih službi za upravu broj: 02-04-1-2323/22 od 20.12.2022. godine i Odluci o izmjeni i dopuni Odluke o organizovanju/organiziranju Općinskih službi za upravu Općine Maglaj broj: \_\_\_\_\_ od \_\_\_\_\_ 2023. godine (predložena Općinskom vijeću na razmatranje);
- članu 42. Statuta Općine Maglaj («Službene novine Općine Maglaj», br. 8/07, 3/08 i 6/08);
- odredbama Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 6. Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“, br. 29/03, 23/04, 39/04, 54/04, 67/05, 8/06, 4/12, 99/15 i 9/17- Presuda Ustavnog suda Federacije Bosne i Hercegovine, broj: U-13/16), člana 1. i 2. Zakona o preuzimanju Zakona o državnoj službi („Službene novine Zeničko-dobojskog kantona“ broj: 3/12), odredbama Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, br. 49/05 i 103/21), u skladu sa odredbama Zakona o radu („Službene novine Federacije Bosne i Hercegovine“, br. 26/16 i 89/18), kojim je utvrđen radno-pravni status, sa pravima i obavezama uposlenika; uz pribavljeno mišljenje Sindikalne organizacije Općine Maglaj, broj: 01-23-34/2023 od 05.09.2023. godine u skladu sa članom 43. Kolektivnog ugovora za službenike organa uprave i sudske vlasti Federacije Bosne i Hercegovine („Službene novine Federacije BiH“, br. 6/20, 11/21 i 5/22).

Presudom Ustavnog suda Federacije Bosne i Hercegovine broj U-12/22 od 12.10.2022. godine je utvrđeno da općinski načelnik donosi pravilnik o unutrašnjoj organizaciji za općinske organe uprave i općinske upravne organizacije, uz saglasnost općinskog vijeća,

odnosno utvrđeno je postupanje u skladu sa članom 52. stav (1) tačka 3. Zakona o organizaciji organa uprave u Federaciji Bosne i Hercegovine, umjesto u skladu sa članom 15. Zakona o principima lokalne samouprave u Federaciji Bosne i Hercegovine, koji je primjenjivan kao „lex specialis“.

U odnosu na postojeći Pravilnik o unutrašnjoj organizaciji i sistematizaciji općinskih službi za upravu Općine Maglaj izmjene i dopune se odnose:

Član 1. Povećava se broj izvršilaca sa 85 na 86, odnosno povećava se broj namještenika za jedan (Referent-portir).

Član 2. i član 3. Smanjuje se broj izvršilaca za radno mjesto Stručni savjetnik za vođenje budžeta i finansija za jedan. Ovo radno mjesto popunjeno je jednim izvršiocom, državnim službenikom što zadovoljava trenutne potrebe Službe, a postoji potreba za povećanjem broja namještenika koji obavljaju stručno-operativne poslove na radnom mjestu Viši referent za materijalno knjigovodstvo, obračun poreza i plata i poslove saldo kontiste sa dva na tri izvršioca.

Član 4. Sistematizuje se novo radno mjesto Referent-portir, jer postoji opravdana potreba za kontinuiranim obavljanjem ovih poslova.

Član 5. Izmjena se odnosi na naziv postjećeg radnog mjesta Viši referent za osmatranje uzbunjivanje i zanatske poslove, čime su obuhvaćeni poslovi koje obavlja domar.

## FINANSIJSKA SREDSTVA

Popuna radnih mjesta izvršavat će se u skladu sa potrebama i planiranim sredstvima u Budžetu Općine Maglaj za 2023. godinu i dalje kontinuirano.





SINDIKALNA ORGANIZACIJA ORGANA UPRAVE  
OPĆINE MAGLAJ  
Sindikalni odbor  
Broj: 01-23-34/2023  
Datum: 05.09.2023. godine

FEDERACIJA BOSNE I HERCEGOVINA  
OPĆINA MAGLAJ  
Služba za ljudsko-izvodičku i socijalnu zaštitu,  
općinske uprave i društvene djelatnosti

PRIMLJENO	05.09.2023		
Opć. broj	Opć. broj	Opć. broj	Opć. broj
		669	

OPĆINSKI NAČELNIK


PREDMET: Mišljenje Sindikalne organizacije na dostavljeni prijedlog Pravilnika o izmjenama i dopunama Pravilnika o unutrašnjoj organizaciji Službi za upravu općine Maglaj

Na osnovu člana 43. Granskog kolektivnog ugovora za službenike organa uprave i sudske vlasti FBiH (Službene novine F BiH broj: 6/20 i 57/22), a nakon dostave prijedloga Pravilnika o izmjenama i dopunama Pravilnika o unutrašnjoj organizaciji Službi za upravu općine Maglaj, sindikalni odbor sindikalne organizacije organa uprave općine Maglaj razmotrio je prijedlog Pravilnika o izmjeni i dopuni Pravilnika o unutrašnjoj organizaciji Službi za upravu općine Maglaj broj: 06-45-1-1354/23 od 28.08.2023. godine te nemamo primjedbi na isti.

S poštovanjem!

DOSTAVLJENO:

1. Naslovu,
2. a/a



Predsjednik Sindikalnog odbora:  
Nedžad Čatić





Broj: 06-45-1-1354/23  
Maglaj, 28.08.2023. godine

Na osnovu člana 52. stav (1) tačka 3. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09), člana 6. Zakona o državnoj službi u Federaciji Bosne i Hercegovine („Službene novine FBiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17-Presuda Ustavnog suda Federacije BiH, broj: U-13/16), član 1. i 2. Zakon o preuzimanju Zakona o državnoj službi („Službene novine Zeničko-dobojskog kantona“, broj: 3/12), člana 76. Zakona o namještenicima u organima državne službe u Federaciji BiH („Službene novine Federacije BiH“, br. 49/05 i 103/21), člana 42. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), a u vezi sa Odlukom o organizovanju/organiziranju općinskih službi za upravu Općine Maglaj („Službene novine Općine Maglaj“, br. 1/05, 2/06 i 13/22), uz pribavljeno Mišljenje Sindikalne organizacije Općine Maglaj, broj: \_\_\_\_\_ od \_\_\_\_\_ .2023. godine, u skladu sa članom 43. Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, br. 6/20, 11/21 i 5/22), Općinski načelnik Maglaj donosi

## P R A V I L N I K

o izmjenama i dopunama Pravilnika o unutrašnjoj organizaciji službi za upravu Općine Maglaj

### Član 1.

U Pravilniku o unutrašnjoj organizaciji službi za upravu Općine Maglaj („Službene novine Općine Maglaj broj: 13/22“) u članu 5. riječi: „ukupno 85 izvršilaca“, zamjenjuje se riječima: „ukupno 86 izvršilaca“.

U istom članu riječi: „četrdesetsedam (47) namještenika“ zamjenjuje se riječima: „četrdesetosam (48) namještenika“.

### Član 2.

U članu 8. za radno mjesto Stručni savjetnik za vođenje budžeta i finansija, riječi: „broj izvršilaca 2“ zamjenjuju se riječima: „broj izvršilaca 1“.

### Član 3.

U članu 10. za radno mjesto Viši referent za finansijsko-materijalno knjigovodstvo, obračun poreza i plata i poslove saldo kontiste, riječi: „broj izvršilaca 2“ zamjenjuju se riječima: „broj izvršilaca 3“.

### Član 4.

U Službi Općinskog načelnika i Općinskog vijeća, iza člana 56, dodaje se član 56.a) kojim se sistematizuje novo radno mjesto:

**“Član 56.a)**

**(Radno mjesto: Referent portir)**

**Opis poslova:** Pruža informacije strankama i vrši upućivanje stranaka u radne prostorije, evidentira ulazak i izlazak stranaka u zgradu Općine, evidentira ulazak i izlazak zaposlenika, vodi evidenciju zapažanja na osnovu Odluke o kućnom redu, vrši redovan obilazak unutrašnjeg i vanjskog dijela zgrade što uključuje i parking prostore i službena vozila, nadgleda opremu, namještaj i aparate u zgradi Općine, prati video-nadzor objekta i u slučaju ugroženosti preduzima mjere zaštite (obavještava nadležne organe policija, vatrogasci i dr.) i obavlja druge poslove po nalogu pomoćnika Općinskog načelnika i Općinskog načelnika”

Uslovi za vršenje poslova: SSS – IV stepen, najmanje jedna godina radnog staža, poznavanje rada na računaru, položen vozački ispit B kategorije
Vrsta djelatnosti: <u>Dopunski poslovi osnovne djelatnosti</u>
Naziv grupe poslova: <u>Operativno-tehnički</u>
Složenost poslova: <u>Djelimično složeni</u>
Status izvršioca: <u>Namještenik</u>
Pozicija radnog mjesta: <u>Referent</u>
Broj izvršilaca: <u>(1) jedan</u>

**Član 5.**

U članu 60. naziv radnog mjesta “Viši referent za osmatranje, uzbunjivanje i zanatske poslove” zamjenjuje se riječima: “Viši referent za osmatranje, uzbunjivanje i domar”.

**Član 6.**

Ovaj Pravilnik stupa na snagu osmog dana od dana objave “Službenim novinama Općine Maglaj”.

Obradivač: Emina Hasanić  
Mirsada Skejić  
Elza Gračić



OPĆINSKI NAČELNIK  
Mirsad Mahmutagić